

Gvangjsih Minzcuz Bau

Cawjguenj: Gvangjsih Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangjsih Minzcuz Bause

Geiz neix 8 banj

广西民族报 Aenhauh okbanj: CN45-0036 B.2025 Nd.2 Ng.12 Liggaueq gyapsaenz nienz ndwencieng cibngux Geizsoq: Gungh daih 3656 geiz

Cauhmoq Gouz Bienq Yawjnaek Saedguh

Gvangjsih Maeuzveh “Haicieng Couh Hoengh, Daengx Bi Cungj Baenz”

Bi ndeu cin guhdaeuz, fanh saeh aeu guh gonq. 2 nyied 6 hauh gyanghaet, Liyenz Sanhcangh ngeih laeuz ndaw ding haihoih laeng Gvangjsih Bouxcuengh Swcigih Nanzningz Si, 350 boux lingjdauj ganbu caeuq gak boux daiyauj giyez doxcomz giz ndeu, youq neix hai aen hoih caeuq baeznaengz mbouj doengz ndeu—Aen Hoih Genhciz “Gejcuengq Swhsiengj, Cauhmoq Gouz Bienq, Coh Haij Maeuz Ak, Haicuengq Hwngfat” Doinyoengx Gingham Coh Ceiq Ndei Hwngfat.

Aen daizcujisiz baihlaeng dwg aen bingz hung LED ronghda ndeu, gij anhbais gangjavah caemh gig mizyinx. Gwnz daizcujisiz, vihgangjavah caeuq vihcujsiz gag miz aen ndeu, gyoengqvunz camhoih cij ndwn dwk gangjavah. Swcigih dangjwng lingjdauj caeuq gizyawz vunz hix naengh youq lajdaiz. Doengh boudawzrap 14 aen sezgihsi doxlwnz hwnj daiz gangjgangj haicieng yaek guh hong lawz caeuq baenzlawz baujmaenh geiq daih’ it “haicieng couh hoengh, daengx bi cungj baenz”, mbouj gangj vahhoengq, caenh gangj yaek guh daengz yienghlaewz, dawz maz rap caeuq baenzlawz guh. Lwnz daengz

boudawzrap aen sezgihsi lawz gangjavah, gij bingz hung LED ndawding couh cuengq ok gij cijbyauh gingham cawjdaeuz caeuq baenzlawz hwngfat geiq daih’ it “haicieng couh hoengh” dieg de.

Gvangjsih Bouxcuengh Swcigih boux dangjvej suhgi Cinz Gangh naeuz, Siz Ginbingz cungjsuhgi daengqdaek Gvangjsih guhhong aeu “gejcuengq swhsiengj, cauhmoq gouz bienq, coh haij maeuz ak, haicuengq hwngfat”. Gij vah doengh boudawzrap 14 aen sezgihsi neix dwg gyoengqde goenghai wngcingz le 5700 fanh vunz Gvangjsih, aeu saedguh cauhmoq gouz bienq, doinyoengx gingham coh ceiq ndei hwngfat. Gij vah gyoengqde caemh yaek guh baenz sibinz dinj, fat hwnj gwnzmuengx bae, yiengh le hawj vunzlai caez gam caez bingz, moix aen geiqdoh sat hix ndaej aeu neix guh gaujhwz dem.

Mwhneix ceiq youqgaenj dwg aeu gohgi coi gingham fatmaj ndei. Doengh boudawzrap 14 aen sezgihsi gangj gij vah haenx gak miz mbouj doengz, hoeng, gyoengqde cungj roxnyinh, yaek yungh swwhyen ndei gak dieg hwngfat aen canjnieb diji yendaiva, ciengj byaij “yinzgungh cinwngz + ”

daengj roen moq hwngfat yiengh swnghcanjliz rengzmoq.

Nanzningz Si bouxsicangj Houz Gangh guh boudaih’ it gangjavah. De naeuz, Nanzningz Si gunghyez giekdaj mbangnyieg, caeuq gij canjnieb guekgua Dunghmungz gvanlien noix, Nanzningz Si yaek gyavaiq gungganq yinzgungh cinwngz daengj canjnieb moq, dap ndei bingzdaiz hamjbiengz doxgap cauhmoq yinzgungh cinwngz. Liujcouh Si dwg Gvangjsih aen si guh gunghyez hunghoengh ndeu, gyawj geij bi neix guhhong caemh daemdengdeng, Liujcouh Si bouxsicangj Cangh Gang, yaek yawjnaek gyagiengz gohgi cauhmoq, gajndeiz yezdai canjnieb, ganq ok ganq hung cinwngz cunghdonh caeuq bouxgihgi, nwnzyenz moq, caizliuh moq daengj canjnieb, ceng’ aeu youq bineix canjeiz dem lai maj lai. Yilinz Siveij bouxsuhgi Vanz Cin naeuz, gij minzyingz gingham Yilinz fat ndaej lai, gohgi gwzming moq hix daij daeuj gij gihvei hwngfat, hwnqguh aen canjnieb diji yendaiva yaekaeu cacoemj ndei gihvei moq bae guh aen hengzdoengh “yinzgungh cinwngz + ” hwngfat yiengh gingham soqcih, haenqrengz hwngfat yiengh

swnghcanjliz rengzmoq. Bwzhaij Si dwg buek hawsingz hailangh daih’ it guek raeuz ndawde aen ndeu, Bwzhaij Siveij bouxsuhgi Cai Ginjginh nyinhnaeuz, yaek guh boudaeuz haicuengq hwngfat Gvangjsih, yaekaeu genhciz yawjnaek saedguh, gyavaiq hwnqguh diuz lien caezcienz swnghdai “maeqfat gisuz + ciengzgingj + niemhcingj + canjnieb yungzhab” ndeu, aeu lai aen mozdaiz gyavaiq yinzgungh cinwngz caeuq yiengh gingham saeddaej haeujlaeg yungzhab, doxdaengh fatmaj.

“Daengz seizneix, dou gaenq aeu daengz gij cienzngaenz cunghyangh yawhsuenq douzhaeuj caeuq 23 aen ‘song cung’ hanghmoeg, suenq daeuj gungh di 117.23 ik maenz ngaenz, gak si aeu vaiq guh hanghmoeg, vaiq yungh ngaenz, doeksaed swcigih geiq daih’ it ‘haicieng couh hoengh’ 23 diuz guhfap dingh aeu saedguh haenx, baujmaenh gak hangh cienz daeuj vaiq, faen hix vaiq, vaiqvaiq guh ok cingzeik saedcaih.” Gvangjsih Bouxcuengh Swcigih Fazcanj Gaij-gwzvej bouxcujyin Bwz Sunghdauh naeuz.

《Yinzminz Yiz Bau》(Bi 2025 2 nyied 7 hauh banj daihcaet) gicej Dwng Genswng

Swcigih Minzcunghvej Lingjdauj Daengz Gihgvanh Gak Cusiz Caeuq Danhvei Cizsuz Yawj Nai Ganbu Cizgungh

(Bonjbau siusik gicej Se Liengzyij/谢梁雨) Rumzcun guhdoih byaij roen moq, haenqrengz buekguh coh daihbuenz. 2 nyied 5 hauh gyanghaet, gvaq cieng ma ngoenz daih’ it hwnjban, Swcigih Minzcunghvej boux dangjvej suhgi, bouxcujyin, Swcigih Dangjvej Dungjcanbu boudubucangj Lij Cinlinz daij lingjdauj banhsuj daengz vejgihgvanh gak cusiz, danhvei cizsuz yawj nai ganbu cizgungh, dongx daihgya haicieng ndei, cuknyienh bi moq engq ndei.

Baez daengz giz ndeu, vej lingjdauj cungj caeuq ganbu cizgungh gangjgoj doxndiep, saeqsim cam vunzlai guhhong, saehcej baenzlawz yiengh, haenh bi’ gvaq gyoengqvunz gaenxmaenx lai, muengh daengxcungq ganbu cizgungh youq bi moq cienzmienh gvancez doeksaed gij cingsaenz Baez Ngeihcib Daih caeuq Baez Ngeihcungh, Samcungh

Cienzhohi Gaij Ngeihcib Dangj raeuz, haeujlaeg hagsib gvancez Siz Ginbingz cungjsuhgi gij swhsiengj youqgaenj gvendaengz gyagiengz caeuq gajndeiz hong minzcuz, gij gangjavah youqgaenj gvendaengz hong cunghgyau, gij iugouz youqgaenj lwnh hong Gvangjsih. Aeu couqmaenh gij eijsik caezcaemh Cunghvaz Minzcuz guh sienqmeh, genhciz yawjnaek saedguh, cauhamoq guh hoenz, aeu cingzsi guh’ ak, hawj yinzminz daeuj bingz. Cienzmienh doicaenh hwnqguh caezcaemh Cunghvaz Minzcuz, laebdaeb doicaenh Gvangjsih guh cunghgyau guek raeuz gag hab gij guekcingz Cungguek byaij laeg guh saed, haenqrengz ceng guh boudaiqdaeuz couqmaenh gij eijsik caezcaemh Cunghvaz Minzcuz, guh hong minzcuz doxgiat baenaj laebdaeb byaij youq gaxgonq daengx guek, okrengz guhyienh bae daiqdoengh vunzlai.



Fuconh : Langhbaij Feihyiz Angq Coux Ndwencieng cibngux

2 nyied 9 hauh dwg ngoenz Ndwencieng cibngeih, youq Hocouh Si Fuconh Yauzcuz Swciyen Lenzsanh Cin guh aen ciet bauqva caeuq buek hozdung haw hung feihyiz. Neix yinx daeuj haujlai vunzmbanj caeuq hekyouz daejniemh doengh gij feihyiz hozdung lumjbaenz ciengj bauqva foux lungzfiengz, fwenduzmbaj daengj, angqangq yangzyangz coux ndwencieng cibngux. (黄旭胡/Vangz Yuzhuz)